

denberg¹⁰ gehört vnd von dem var gen werdenberg¹⁰.
Wer öch das die vorgeanten Grauen Hartmans kind³, erben
amptlüt ald botten, mit Raisigen Lüten, koufflüten, ald mit anderen
Lüten wer die wärint, ald mit kouffmanschaft gen / Bludentz
in die stat, mit iro gelait kāmint, so hant si gewalt, alle die wile so
das gelait bi inen ist, das sis belaiten sont war si went. Wer öch in
die stat gen Bludentz komet mit gelait, ald ane gelait, an wedre
herschaft der gelaites mütet, der sol vnd / mag in von dannen belaiten,
als vor vmb gelait geschriben vnd beschaiden ist. Ich vorgeanter
Graue albrecht von werdenberg² vnd min erben sullent
och ainen weg han vnder der stat, ald ob der stat ze Bludentz:
wederent wir wellint, den man / Riten vnd gan mug ane geuerde.
Ez sol och der ysenberg, ze Biurs¹¹ mit allen rechten vnd züge-
hörden, den vorgeanten Graue Hartmans kinden³ vnd iro erben
sin. So sol ich dikbenempter Graue albrecht² noch min erben,
mit dem gejâgde in walgôwe nüt / ze schaffent han. Ez ist och
berett, das ich obgenanter Graue albrecht² vnd min erben, ellü iar
den vorgeanten Grauen Hartmans kinden³, vnd iren erben, von
Gotzhüs lüten, ie ze sant Johans tage ze swnwenden geben sullint acht
pfvnt vnd acht schillinge / vnd ietzo ze sant martis tag och acht pfvnt
vnd acht schilling, alles Costenzer pfenninge Vnd welches iares die
selben pfenninge, ze dewederm zil nit gerichtet wrdent als vorge-
schriben stat so hant si ir erben vnd ir amptman gewalt, vmb das
selbe gelt / mich vnd min erben vnd vnser amptman ze Bludentz,
ze nôtend vnd zepfendent, in der stat ze Bludentz, in des ampt-
mans hus, ald dauor, wo vnd wie si went, vntz das si gewert werden.
Ez sont öch die vorgeanten Grauen Hartmans kind³ ir erben
/ noch iro amptlüt vber min vorgeanten Grauen albrecht²,
noch miner erben lüt noch güt nit ze gebietend han, weder vber die
Burger ze Bludentz noch vber . . Edel lüt noch vber Silberer,
noch vber den hof vnd Hoflüt ze sant petern¹² noch vber die /
ffrigen¹³ noch vber die Gotzhus lüt, noch vber walliser, Ez
were danne das ich vorgeanter Graf Albrecht² oder min erben
hinnenhin lüt koufftent, die in Grauen Hartmans kind³ oder iro
erben gerichtent sâssent oder wonent werind, die sont öch von, / iren
gerichten ze gerichte gân, als ander Herren Lüte. Ich Obgenanter . .
Graue albrecht von werdenberg² vnd min erben Vnd die
obgenanten Grauen Hartmans kind³ vnd iro erben sullent öch